



Universitätsbibliothek Paderborn

**Compendiolvm Vitæ Admirabilis Et Pretiosæ Mortis B.
Rosæ De S. Maria Limensis Peruanæ, Tertii Ordinis S. P.
Dominici à S. D. N. Clemente IX. Beatis Annumeratæ**

González de Acuña, Antonio

Augustæ Vindelicorum, 1668

Capvt VIII. Rosæ cum Christo mira desponsatio, Pronuba Augustissima
Imperatrice Angelorum.

urn:nbn:de:hbz:466:1-44063

Etissimæ Trinitatis honorem blandè permisit.
Ultimo vitæ suæ triennio in Gundisalui de la
Massa Quæstoris regii domo parem fermè so-
litudinem sibi Virgo statuit, jussa à parentibus
obtemperare viro religiosissimo, qui suas ædes
Rosæ hospitio ambiverat consecrari: hic totas
cum diebus noctes in domestico latebat Ora-
torio, vel in ultimo ædium cubiculo, identidem
regressa ad hortensem Eremum; perpetuo stu-
dio sequuta solitudinem, cuius amore tantope-
re tenebatur Magistra sua Catharina Senensis.

CAPVT VIII.

ROSÆ cum Christo mira de-
sponsatio, Pronuba Augustissima
Imperatrice Angelorum.

DIdicerat quidem Rosa Seraphicam Magi-
stram suam Christo desponsam, sed vix au-
debat exoptare locum inter sponsæ comites a-
dolescentulas. Interea tamen candorem An-
gelicum, & profundissimam dehiscens animi
submissionem adornabat, dotem scilicet, Sponsi
divini amores rapientem. Prodigis ad myste-
rium præparata; & ad consensum erecta fuit
modestissima Virgo, nam primò bicolor ille pa-
pilio, de quo verba superiùs fecimus, aliquam-
diu per sinistrum Virginis latus cum oberrasset,
constitit è regione cordis, ibique depictam reli-
quit imaginem cordis in veste Rosæ pulcherri-
mè

mè delineatam, perinde ac si; Præbe mihi cor
tuum, Sponsus divinus clamaret, & Rosam in-
signiret eodem emblemate permutati cum illa
cordis ut olim cum Catharina. Nocte quadam
speciosus forma præ filiis hominum videndum
se Rosæ præbuit, & candidissimum illius amo-
rem se quærere professus, innumeras Virgines
splendido amictu nobiles ostendit, quæ cæden-
dis marmoribus distinebantur, ad illarum con-
sortium Rosam invitans, inter sponsas suas, ar-
duis virtutis operibus insudantes, adnumeran-
dam. At Rosa veste gemmis, auroque distin-
cta se repente inclaruisse vidit, & ad cœlestem
sortem elatam. Sed festinat historia ad mani-
festum munus, quo Christus vigilem Rosam ad
connubiale thalamum invitavit. Dies aderat
consecrata triumpho divini Regis Hierosoly-
mam ingressi, cumque palmæ distribuerentur
in templo, sola Rosa præterita fuit à Sacrista
properante, sive id casu contigerit, sive Numi-
nis consilio singulari, ut virgo novitate confu-
sa timeret, ne obliquo forsitan animi motui
inscia succubuisset. Ad Deiparæ facellum con-
fugit, & genibus innixa per undantes lacrymas
saucium cor suum effudit. Cum ecce Virgi-
nem videt sibi sereno, mitique vultu adblandi-
entem, mox in Filium conversam, & inde vel-
uti fausto oraculo excepto in se rursus intentâ.
Rosa ignoto perculta gaudio Puerum intuetur,
qui pariter illi suavissimè arridebat, & postquā
ali-

aliquamdiu miro sensu voluptatis suam Sponsam perfudit, in hæc apertè verba prorupit: Rosa cordis mei, tu mihi sponsa esto. At illa mirum in modum exultans, ac in sui nihili abyssum dehiscens, ancillam se dixit, paratam sui Regis ad nutus. Et Virgo Mater: vide, inquit, ô Rosa, eximium favorem, quo te Filius meus dignatus est. Exinde quibus gratiæ thesauris tuam Sponsam ditavit Amor divinus! Illa quidem sapienti viro, qui ejus spiritus explorandi partes susceperebat, pressulis interrogata, dixit, verba sibi deesse, quibus munera liberalissimi Numinis in se immeritam collata explicaret. Ut autem perpetuò sibi versaretur ante oculos tantæ gratiæ monumentum, annulum poposcit à germano fratre suo, qui mysterii omnino inscius, perinde tamen ac si nuptiis interfuisset, eadem verba: Rosa cordis mei, tu mihi sponsa esto: annuli convexo jussit inscribi. Hoc Rosæ sui amoris pignus in arca, in qua servatur divinum corpus, feria quinta sanctioris hebdomadæ à Sacrista claudi impetravit. At Paschatis die sponte, ac secretò redivit ad Rosam, non sine novo prodigo: namque propè illam innixa Mater, & ad omnia intentissima, nihil animadvertisit. Post Virginis obitum vir sanctitatis fama conspicuus manu tenens annulum Rosæ, in mortaliū omnium rerum exilium raptus, & miro voluptatis divinae sensu colliquecens, Rosam vidit in excelsa gloria fastigio inter

præ-

præcipuos Cœli cives propè solium divinitatis,
ac diù loco moveri, & pretendere rigentem
manum non potuit. Quod si hæc in aliena ma-
nu prodigia peperit nuptialis annulus Rosæ,
quid ipsas nuptias in anima Sponsæ præstissem
putes?

C A P V T I X.

R O S A perpetuo Orationis stu-
dio miram assequitur cum Deo
unionem.

ADhuc infantem divinus spiritus orare do-
cuerat, eoque igne succenderat, quem nec
ipsa nocturna somnia consopirent. Audita er-
go per noctem sèpissimè est numeratò redde-
re preces, quibus per diem invigilaverat. Cre-
scente verò cum ætate Religione, duodecimo
anno jam Unitiva, quam dicunt, Orationis via
Deo adhærebat. Porrò duplex illi erat allo-
quendi Numinis ratio, tum ènìm solito curis
omnibus animo quietissimè se colligebat allo-
quendum Deo: tum inter manuum labores, &
extima opicia mentem nihilominus affigebat
divinitati. Priori, ut supra innuimus duode-
cim quovis naturali die horas se posuerat; po-
sterior illi perpetuus erat, nisi quando per ho-
ram horribilibus, ut mox dicemus, imagini-
bus torquebatur; adeò ut sive dormiret Rosæ,
sive vigilaret, dum neret, texeret, sericos acu-

pin-